

Velkomen som konfirmant i Nysæter kyrkje

Neste år kan du feira din konfirmasjonsdag i kyrkja! Velkomen som konfirmant i Nysæter kyrkje! Me gler oss til å bli kjent med deg!

Kva er konfirmasjon?

Ordet konfirmasjon tyder både «å stadfesta» og «å gjera sterkt».

I konfirmasjonstida får du vera ein del av eit fellesskap og bli betre kjent med den kristne trua. Alle er velkomne til konfirmasjonstid i kyrkja; både du som trur, tvilar, er usikker, ikkje trur eller ikkje har tenkt på sånt eller er nysgjerrig.

Kva skjer i løpet av eit konfirmantåret?

Konfirmantåret startar i august med presentasjonsgudsteneste og blir avslutta med konfirmasjonsgudsteneste i mai. I løpet av året blir det ulike samlingar i kyrkja, gudstenester og fasteaksjon.

- Samlingar i grupper

Konfirmantane vil møta til samlingar gjennom året. Desse samlingane vert i grupper. På desse samlingane vil me saman utforska ulike tema om tru, verda og deg sjølv. På informasjonsmøte vil det vera meir informasjon om korleis gruppene vert organisert. Her vil ein og få informasjon om dagar og tidspunkt for dei ulike gruppene.

- Gudstenester

Gjennom året tek konfirmantane del i gudstenester i kyrkjene våre, mellom anna presentasjonsgudsteneste og lysmesse. Konfirmantane må og delta på ein del gudstenester som dei vel sjølv når dei går på.

- Fasteaksjon

Neste vår skal me i samarbeid med Kirkens Nødhjelp delta på fasteaksjon. Dette er ein landsomfattande innsamlingsaksjon som konfirmantar over heile landet deltek i.



Konfirmasjon for alle

Alle menneske er ulike. Uansett funksjonsevne har du rett til ei god konfirmanttid. Om du har behov for tilrettelegging, ta kontakt med kyrkjekontoret på tlf. 53 40 34 30. Saman finn me ut korleis me kan gi deg det beste tilbodet.

Konfirmasjon og dåp

Er du ikkje døypt og lurar på om du kan vera konfirmant i kyrkja? Sjølvstundt kan du det! Men sidan dåp er ein føresetnad for å vera med på sjølve konfirmasjonsgudstenesta vil du få tilbod om å bli døypt undervegs i konfirmantåret.

Konfirmasjonsdato

Sjølve konfirmasjonsdatoen blir bestemt etter at alle konfirmantane har meldt seg inn. Datoen vil vera klar i juni, og de vil få informasjon om dato for konfirmasjon før kyrkjekontoret tek ferie. Konfirmasjonane vert på tvers av grupper.

Kostnad.

Det kostar 1500 kr å vera med på konfirmantopplegget i kyrkja.
Det er høve til å søkja støtte for å få dekkja kostnad om det er behov for det.

Påmelding og innskriving

PÅMELDING: Gå inn på www.kyrkjastord.no og meld deg på. Påmeldingsfrist: søndag 1. juni

INNSKRIVING: Det er informasjonsmøte og innskriving i Nysæter kyrkje. Møtet er for konfirmantar og føresette. Hugs å ta med innskrivingsarket.

4. juni kl. 17:00 - 18:00 i Nysæter kyrkje.

Du må **BÅDE** melda deg via heimesida, og skriva deg inn ved å møta til innskrivingsmøte.

Ta gjerne kontakt med kyrkjekontoret om de har spørsmål.

Venleg helsing

Solbjørg Hope Angeltveit
Konfirmantansvarleg
Kyrkja i Stord og Nysæter



Innskriving

KONFIRMANT✝

Fyll ut dette arket og ta med på informasjonsmøtet i kyrkja 4. juni.

Kontrakt for å vera konfirmant i Nysæter kyrkje

For at konfirmanttida skal bli så god som mogleg, vil Nysæter kyrkje inngå ein kontrakt med kvar einskild konfirmant. Reglar og retningslinjer skal illustrera kva krav kyrkja stiller til deltaking, oppførsel og god folkeskikk, behandling av utstyr og bruk av mobil. Når du melder deg som konfirmant hos oss, må du prioritera dei samlingane som kyrkja arrangerer i løpet av konfirmantåret. Konfirmantane skal delta på ein del gudstenester (nokre fastsatte; sjå konfirmantårsplan, og seks gudstenester som dei vel sjølve). Det vert forventa at føresette, saman med konfirmantane, gjer gode vurderingar for kva som er grunnar for å eventuelt utebli frå samlingar.

Ved å signera kontrakten, samtykker du til å

- Delta på undervisningsopplegget. Blir du hindra i å delta, skal føresette gi beskjed til konfirmantleiar.
- Behandla andre konfirmantar, konfirmantleiarar og andre vaksne med respekt. Det er nulltoleranse for krenkande haldningar og språkbruk.
- Behandla møblar, utstyr og materiale fint. Om noko blir øydelagt med vilje, vil konfirmanten og heimen bli haldne økonomisk ansvarlege for skaden.
- Respektera reglar for mobilbruk.

Føresette blir kontakta om regelbrot. I dialog med kyrkja skal det avklarast korleis gjennomføringa av konfirmantopplegget for konfirmanten skal halda fram.

Eg _____ har lese gjennom saman med føresette, og forstår reglane som gjeld for at eg skal få lov til å vera konfirmant i Nysæter kyrkje. Eg skal følgja reglane, og veit at brot på desse kan få konsekvensar.

Dato: _____

Underskrift konfirmant: _____

Underskrift føresett(e) _____

Telefon føresett(e) _____